

关于莲花的诗句

1.
白露凋花花不残，凉风吹叶叶初干。无人解爱萧条境，更绕衰丛一匝看。
——白居易《衰荷》
- 2.菱荷迭映蔚，蒲稗相因依。——谢灵运《石壁精舍还湖中作》
3.
欹红媿矮力难任，每叶头边半米金。可得教他水妃见，两重元是一重心。
——皮日休《重台莲》
4.
平波浮动洛妃钿，翠色娇圆小更鲜。荡漾湖光三十顷，未知叶底是谁莲？
——朱淑贞《新荷》
5.
一番荷芰生池沼，槛前风送馨香。——尹鹗《临江仙·一番荷芰生池沼》
- 6.绿竹含新粉，红莲落故衣。——王维《山居即事》
7.
绿盖半篙新雨，红香一点清风。天赋本根如玉，濂溪以道心同。——宋伯仁《荷花》
8.
菡萏香销翠叶残，西风愁起绿波间。——李璟《摊破浣溪沙·菡萏香销翠叶残》

9.
绿塘摇艳接星津，轧轧兰橈入白萍。应为洛神波上袜，至今莲蕊有香尘。
。——温庭筠《莲》

10.
荷叶五寸荷花娇，贴波不碍画船摇；相到薰风四五月，也能遮却美人腰。
。——石涛《荷花》

11.
菡萏新花晓并开，浓妆美笑面相隈。西方采画迦陵鸟，早晚双飞池上来。
。——刘商《咏双开莲花》

12.
新溜满澄陂，圆荷影若规。风来香气远，日落盖阴移。鱼戏排缃叶，龟浮见绿池。魏朝难接采，楚服但同披。——李峤《荷》

13.大嫂采芙蓉，溪湖千万重。——李白《湖边采莲妇》

14.
素花多蒙别艳欺，此花真合在瑶池。还应有恨无人觉，月晓风清欲堕时。
。——陆龟蒙《和袭美木兰后池三咏·白莲》

15.
山光忽西落，池月渐东上。散发乘夕凉，开轩卧闲敞。荷风送香气，竹露滴清响。欲取鸣琴弹，恨无知音赏。感此怀故人，中宵劳梦想。——孟浩然《夏日南亭怀辛大》

16.
新荷小小。比目鱼儿翻翠藻。小小新荷。点破清光景趣多。青青半卷。一寸芳心浑未展。待得圆时。罩定鸳鸯一对儿。——石孝友《减字木兰花·新荷小小》

17.
晚风收暑，小池塘荷静。独倚胡床酒初醒。起徘徊、时有香气吹来，云

藻乱、叶底游鱼动影。空擎承露盖，不见冰容，惆怅明妆晓鸾镜。后夜月凉时，月淡花低，幽梦觉、欲凭谁省。也应记、临流凭阑干，便遥想，江南红酣千顷。——刘光祖《洞仙歌·荷花》

18.

杨柳回塘，鸳鸯别浦。绿萍涨断莲舟路。断无蜂蝶慕幽香，红衣脱尽芳心苦。返照迎潮，行云带雨。依依似与骚人语。当年不肯嫁春风，无端却被秋风误。——贺铸《芳心苦·杨柳回塘》

19.

曲沼芙蓉映竹嘉，绿红相倚拥云霞。生来不得东风力，终作薰风第一花。——何中《荷花》

20.

乘彩舫，过莲塘，棹歌惊起睡鸳鸯。游女带香偎伴笑，争窈窕，竞折团荷遮晚照。——李珣《南乡子》

21.

长恨涉江遥，移近溪头住。闲荡木兰舟，误入双鸳浦。无端轻薄云，暗作廉纤雨。翠袖不胜寒，欲向荷花语。——晏几道《生查子》

22.

藕花塘上雨霏霏，无数莲房著水垂。羞见鸳鸯交颈卧，却将荷叶盖头归。——许成名《藕花》

23.

九月江南花事休，芙蓉宛转在中洲。美人笑隔盈盈水，落日还生渺渺愁。——文征明《钱氏池上芙蓉》

24.

夜深庭院寂无声，明月流空万影横。坐对荷花两三朵，红衣落尽秋风生。——赵雍《秋初夜坐》

25.

都无色可并，不奈此香何。瑶席乘凉设，金鞮落晚过。回衾灯照绮，渡袜水沾罗。预想前秋别，离居梦棹歌。——李商隐《荷花》

26.

涉江玩秋水，爱此红蕖鲜。攀荷弄其珠，荡漾不成圆。佳人彩云里，欲赠隔远天。相思无因见，怅望凉风前。——李白《折荷有赠》

27.

泉眼无声惜细流，树阴照水爱晴柔。小荷才露尖尖角，早有蜻蜓立上头。——杨万里《小池》

28.

涌金门外凉生早，无数荷花斗娇好。自怜贫病不出门，无奈心情被花恼。夜来一雨愁思浓，晚看玉露垂庭草。便须扶杖买兰舟，莫待红妆被霜老。——湛道山《荷花》

29.

新雨迎秋欲满塘，绿槐风过午阴凉；水亭风日无人到，让与莲花自在香。——张问陶《莲花》

30.

晚风吹雨，战新荷、声乱明珠苍璧。谁把香奁收宝镜，云锦红涵湖碧。飞鸟翻空，游鱼吹浪，惯趁笙歌席。坐中豪气，看公一饮千石。遥想处士风流，鹤随人去，老作飞仙伯。茅舍疏篱今在否，松竹已非畴昔。欲说当年，望湖楼下，水与云宽窄。醉中休问，断肠桃叶消息。——辛弃疾《念奴娇·西湖和人韵》

本文链接：<https://duanjuziku.com/duanjuzi/43wnyg994a.html>